


KUBUKA, KUFWA, KUZIKKWA, KUBUKA, KUBOOLA

 Cila indilila buyo ku cintu cili coonse nco tukonzya kupandulula mu myaambo ya bantunsi, obo myoyo yesu mboilimvwa, sunu, mbuli mbo tubungana awa aa cifumo eci, cisetekene loko. Cifumo cino wiiminina ciindi cakuti bukombi bwesu nibwaka bambwa kuba bwini, nkaambo wakali kubuka alubo kwa Mwana Wako muyandisi Oyo wakasika kunununa mukowa onse wabantu. Elyo tuli waano cifumo cino mu kusekelela, kwa kuzwidilila oko kupati, kupati maningi, Mwami, oyo waka tubamba kuba bazundi bainda ku lufu loonse, gehena a cuumbwe. Elyo twa Ku lumba kuti, kumane myaka eyi yoonse yakainda, tu cibungana cifumo maningi aa cifumo eci ca Pasika, ku Mu komba, nkaambo tula syoma kuti Uyo boola alubo.

² Elyo inga twa komba kuti Uyo jatila zibi zyesu zyoonse a milandu yesu eyo ya kalungululwa kuli ndiswe, mbuli mbo tulyaambilila bulubizi bwesu cabubombe, a kuzumina mulungo Wakwe wa zibi zyesu. Ponya malwazi ali akati kesu, Mwami. Kotu gwasya mbuli mbo tubala Ijwi Lyako Lisalala, ili ni ntalisyo ya Tusimpe toonse oto Ntwe katu siila kuponena azyo a kusyoma.

³ Elyo ta tu kombeli buyo ku nkamu eyi iibungene awa, pele koonse kuzunguluka inyika, nkambo tu langa a meso a eageta a kusukamina myoyo Yakwe kubweeda. Tula ima sunu mu mudima, mu lupyopyongano, kuti cindi, kanji kufumbwa ciindi, kuti sikwiindilizya umwi inga wamwaya ncobeni kujatikizya cintucimwi, a kutyanka bbatani niini, nkabela inyika yoonse inga ya zapaulwa mu tubeela. Mbuli mbo kwa kaambwa kuli ndiswe kwiinda ku beendelezi bapati, kuti, lumamba luyooa buyo maora masyoonto malamfu, ikuti na lwasola kucitika alimwi. Oh! Mbuli, tu liimvwi sunu kumpela nkukonya kwa lumamba lumbi. Mpawo, Mbungano iliimvwi kumpela, obo bubuke bwabulemu bunji, nkambo tuyo kwempwa antoomwe a basalali boona, kuyo swaana Mwami mu mulengalenga, amuya myaaka kuba a Nguwe.

⁴ Twa boola ku Ku komba, Mwami. Elyo kotu tambula sunu. Longezya kubala kwa Ijwi Lyako, kwiimba kwa nyimbo, kukambauka kwa Makanimabotu, kutambula mipailo ya penisi. Komvwa mupailo wa baciswa, a kujana bulemu kuli Lwako, nkambo twa cilomba cabubombe mu Zina Iya Jesu, Mwana Wako. Amenii.

5 Kuli ndinywe nomuyanda kubweza awo mpo tweelede kubala cifumo cino, ku Magwalo esu . . .

6 Elyo twa usa kuti—kuti kuziba kuteeti ta tujisi busena bwaku kkalila ku nkamu eyi mbotu ya bantu abo baboola cifumo cino kuzo komba andiswe, kuzwa ku mabungano aindene a kuzwa ku masi aindene, alimwi alo masi aindene, babungana cifumo cino okuno ku Cikombelo, ku kukomba oku kwabulemu kwa Mwami.

7 Ndi yanda kuti mulange ku Bbuku lya Ntembauzyo, Ntembauzyo 22. Ndi lizi kuti mubwini mbusena bugambya bwa kubala, bwa mulimo wa Pasika, pele Leza ula gambya.

8 Elyo lino kwamana kuswaangana oku, tuyo bambulula kutandila oora lyomwe, kutegwa ukonzye kuunkila kalimbabula kako. Elyo mpawo kuswaangana kwa kwiiya kwa Munsondo kuyo talika aa naini theeti. Elyo mpawo kwamana biyo kuswaangana kwa Munsondo, kuyooba mulimo wa lubbizyo okuno ku i—i ciziba. Elyo mpawo masakati aya, aa sikisi okuloko, makkaadi aa mipailo ayo vozegwa ku mulimo wa kuponesegwa, wa sunumasiku. Elyo ikuti na ujisi bamwi bayandwa bacisidwe a babulide, koyeeya ku bagwisya sunumasiku, elyo, nkambo eci ciyooba ciindi camamanino nco tukonzya kuba a ceeci kwa ii—ii kaindi, nekuba. Nda unka cifumo, aa faivi okuloko, ku Los Angeles a kwiinda mu Nkomwe ya Kumbo, ku matobelanwa aa miswaangano.

9 Lino mu Ntembauzyo 22, tuyo bala.

*Leza Wangu, Leza wangu, nkaambonzi wa ndisiya?
nkaambonzi ncoli kule loko kuzwa ku kundi gwasya, . . .
kuzwa ku majwi aa kuvuuma kwangu?*

*. . . Leza wangu, Nda lila mu ciindi casikati, pele yebo
tomvwide; alimwi mu ciindica masiku, nkabela nseu
mwine.*

Pele ula salala, O jisi kulumbaizya kwa Israyeli.

*Bamatata besu baka syoma muli nduwe: baka syoma
nkabela wa kaba vuna.*

*Ba koompolweda nduwe, nkabela ba kavunwa: ba
kasyoma muli nduwe, nkabela tiiba kanyonganisigwa.*

*Pele Ndili kauka, alimwi kutali muntu; sampu ku
bantu, . . . usampaulwa ku bantu.*

*Boone abo bandi bona balandi seka cakusabula:
baloompolola ku milomo, nkabela bala zunganya
mutwe, kwaamba,*

*Wa kasyoma MWAMI kuti uyo muvuna: a muvune walo,
mukubona kuti ula botelwa muli nguwe.*

Pele nduwe oyo waka ndigusya kuzwa mwida: wa kandi bamba bulangizi cindi Ne kali ku nkolo zya baama.

Nda katandwa ali nduwe kuzwa mwida: nduwe Leza wangu kuzwa mwida lya baama.

Utabi kule kuzwa kuli ndime; nkambo mapenzi ali muni; nkambo taakwe wa kugwasya.

Bapoho banji bandi zunguluka: bapoho bayumu baku Bashani bandi zunguluka koonse.

Bandi gabula a milomo yabo kuli ndime, mbuli cikwangala alimwi. . . mulavu uvuluma.

Nda tilwa mbuli maanzi, . . . onse mafuwa angu ali zwide mu maswaanino: moyo wangu uli mbuli bunzuka; bweenzemuka akati ka camba cangu.

Nguzu zyangu zya kayuminina mbuli lukaye; . . . mulaka wangu wajatilila ku myeebo yangu; alimwi wa kandi leta ku suko lya nyika.

Nkambo babwa baka ndivumpa: i kubungana kwa babi kwa ndi jalila mebo: ba kayasa maanza angu a matende angu.

Inga ndambila mafuwa angu oonse: kuti balange a kundi dunamina.

Ba kaabana zikobela zyangu akati kabo, . . . akuuma cisoloo aa cikobela cangu.

. . . uta bi kule kuzwa kuli ndime, O MWAMI: . . . nsana zyangu, kobinda kundi gwasya.

Kovuna buntu bwangu kuzwa ku cceba; uyandwa wangu kuzwa ku nguzu zya mubwa.

Kondi futula kuzwa ku mulomo wa mulavu: nkambo wa kandimvwa kuzwa ku meja aa munyati.

Njo lungulula zina lyako ku bakwesu: akati ka mbunga Njo ku lumbaizya.

Inzya. . . Nywebo nomu yoowa MWAMI, amu mu lumbaizye; nywebo nyoonse no lunyungu lwa Jakobo, amu lemeke; a ku muyoowa, nywebo nyoonse no lunyungu lwa Israyeli.

Nkambo ta sampaulwa naanka kusulaika bapenzi. . . naanka kuti wa kasisa busyu bwakwe kuzwa kuli nguwe; pele cindi na kalila kuli nguwe, wa kamvwa.

Kulumbaizya kwangu kuyooba kuli nduwe mu mbunga mpati: Njo pa zikonke zyangu kumbele lyabo abo ba muyoowa.

I babombe bayo lya a kukkuta: bayo lumbaizya MWAMI abio bamu yandaula: moyo wako uyo pona kwalyonse.

Oonse mamanino aa inyika ayo yeeya a kunyonena ku MWAMI: a mikowa yoonse ya masi iyo komba kumbele lyakwe.

Nkambo bwami mbwa i MWAMI: alimwi walo mwendelezi akati ka masi.

Boonse abo ba neneede aa nyika bayoolya a kukomba: boonse abo baselemuka ku suko bayo fugama kumbele lyakwe: nkabela taakwe ukonzya kubukulusya buntu bwakwe mwini.

Ii lunyungu luyo mu belekela; luyo balwa ku Mwami ku nzyalani.

Bayo boola, alimwi bayo lungulula bululami bwakwe ku bantu alimwi bayo...kuti bayo zyalwa, kuti wa kacita ceeci.

¹⁰ Akuzumizigwe kuti Mwami ayungizye zilongezyo Zyakwe ku kubala Ijwi Lyakwe. Ndi yanda kubweza eci ciindi cisale cifumo cino, majwi osanwe, a koonse ku majwi ayo osanwe kusola kutondezya eco cili mu moyo wangu, kuli ndinywe no bakombi cifumo cino. Ndi yanda majwi aya osanwe: *Kubuka, Kufwa, Kuzikkwa, Kubuka, Kuboola.*

¹¹ Elyo Ndi yeeya kuti sikuyabila waka citondezya kabotu mu lwiimbo, kuli ceeco Nce yanda kwaamba, cindi na kalemba lwiimbo olu.

Mukupona, Wa kandi yanda; mukufwa, Wa kandi futula;
Mukuzikkwa, Wa katola zibi zyangu kulaale;
Kubuka, Wa kalulamika kwabuyo kwalyonse:
Buzubabumwi Ula boola—Oh, buzuba bwa bulemu!

¹² Taakwe buumi bwakasola kupona mbuli Bwakwe, nkaambo Wa kali Leza waka yubululwa mu mubili wabuntu cindi Na kazyalwa. Wa kali kutondezegwa kwa obo Leza Taata mbwabede. Elyo Leza Taata mukuba luyandisyo, mpawo Jesu wakali kutondezegwa kuzwide kwa luyandisyo. Wa kali luyandisyo kuzwa ku ciindi nciconya citaanzi cakuti maanza Akwe maniini akauma masaya akwe mabotu aa banyina. Wa kali luyandisyo.

¹³ Elyo Ndi yeeya kuti sunu awo mpe mpawo banji mpo ba kakilwa kuziba kuti Wa kali luyandisyo. “Leza nduyandisyo, alimwi abo bayanda bazyalwa aa Leza.”

¹⁴ “Leza mbwaka yandisya inyika, nkokuti, batakwe buyande, cakuti Wa kapa Mwana Wakwe simuzyalwa alikke, kuti kufumbwa uusyoma muli Nguwe taka lobi, pele uyooba a Buumi buteeli.”

¹⁵ Wa katondezya luyandisyo Lwakwe cindi Na kali ano aa nyika, mu nzila zinji loko zyandeene, kusikila tacili cibyaabi kuti

Wa kali cilenge caluyando maningi eco cakasola kupona. Elyo Ndi yeeya kuti, mu buumi Bwakwe awa, Wa kali kutondezya Leza. Elyo nzila biyo Leza nja konzya kutondezegwa ku bantu nkwiinda mu luyando.

¹⁶ Elyo ee sa Wa kacita ceeci cindi Na kajata umwi wa banakazi babyaabi kapati wakaliko wa buzuba Bwakwe, antela. Ba kamujana buyo a mulandu, nkabela taakwe nzila yakuzwa, cindi naka janwa mu mamambe. Elyo baka musapula kumbele Lyakwe, akuti, “Ino Wambila nzi?”

¹⁷ Elyo cindi Na kavuuluka kuli nguwe, elyo, kati, “Nse kupi mulandu. Koya uta kabisiyi limbi.” Mubusena bwa kumulekela mu tugwagwa, ku kwelwa mbuli cikama ca baumpe ali nguwe, ku muuma mabwe a kubweza buumi bwakwe; moyo Wakwe, sibuuza, moyo waluyando wakadiimana kungsi kwini mu cibi omo mwa kabede, kati, “Nse kupi mulandu. Koya buyo uta kabisiyi limbi.”

¹⁸ Elyo cindi Na kali mu lweendo Lwakwe kuselemukila ku cuumbwe ca Lazaro, Ndi yeeya kuti cakali ciindi cimbi cipati eco Nca katondezya obo Leza mbwabede ku bantunsi. Kutali biyo kuti Ngu Leza ukonzya kujatila cibi cuubaukide maningi eco cikonzya kutuulwa, a kugwisya kuzulwa akuba bamba kubula kuzulwa, kwinda ku luyando lwakujatila, pele lufu lwamana kutulama, Walo ucibikkila maanu kujatikizya ndiswe. Ndi yeeya kuti Wa katondezya kabotu eco mu lweendo kuselemukila a Marta a Mariya, cindi Na kasika ku ng’anda oko lufu nkolwa kajala buumi bwa muntu mubotu. Elyo mu lweendo Lwakwe kaselemukila ku cuumbwe, nekubaboobo, mukuba Leza, wakalizi kuti Uyo mubusya kuzwa ku bafu, kalizi kuti cakaambilwa Nguwe kuti mu Majwi Akwe ngaonya kabikka Nguzu zya kumubusya kuzwa ku cuumbwe; nekubaboobo, cindi Na kabona Marta a Mariya abaabo bakali kuyanda Lazaro, kalila, Bbaibbele lyakati Wa kalila. Ino cakali cinzi? Moyo wakwe mupati wa luyando! Cindi Na kabona muntu oyo, nkabela beenzinyina Bakwe—Bakwe bakali mu penzi, Wa kapenzegwa a mbabo.

¹⁹ Ndili kkomene loko kuziba kuti inga Wa janwa akati ka batyokede myoyo. Mu buusu bwesu, Tali umwi unga watusiya. Ula ima muni lyesu cindi zyoonse nizya kakakilwa, a bulangizi bwamamanino bwa kusika kwanyika kwasika kumamanino ayo, Walo ucili Leza alimwi Ula tu yanda. Wa kali kutondezya kwa Leza.

²⁰ Elyo, oh, obo Mbwe syoma kuti Walo usukamina bantu Bakwe kunanikwa loko a Muuya Wakwe, kuti inga twa unka kuli umwi aumwi mu masukusyo a mu mapenzi, a kupa kutondezya kwa lweetelelo Lwakwe, mbuli mbo kutila kuzwa ku myoyo yesu eyo yakazyalwa ku Muuya Wakwe, kutondezya mu mbungano luyandisyo lwa Leza muumi. Oyo wakatondezya kabotu eco

Nca kaamba, na, sikuyabila wakaamba, “Mukupona, Wa kandi yanda!”

²¹ Wa katondezya eco Nca kacita ku mukowa onse wabantu, nzila Leza mbwa kalitondezya Mwini muli Jesu Kristo. Wa katondezya muzeezo Wakwe ku mukowa wabantu, ku kujatila a kuyanda baabo batakali kukonzeka. Elyo Nda libuzya, aa cifumo eci ca Pasika, obo mbo tuceya kuli ceeco. Inga twa yanda abo batu yanda, pele Wa kayanda abo bata Mu yanda.

²² Wa kali mupati maningi, ciiminizyo citaanzi, ca luyandisyo olo lwakasola kuuma nyika; alimwi waka sampaulwa kuli baabo bakapona aa nyika, kuli oyo Ngwa kayanda. Taakwe muntu wakali kukonzya kusola kuyanda mbuli Nguwe; alimwi taakwe muntu wakasola kusulaikwa mbuli Nguwe. Ba ka Mu sulaika a ku Mu sampaula, a ku Mu kaka, pele tii cakaleka luyandisyo Lwakwe. I mamanino, cindi Na kali kulengelela aa ciingano, kumane buumi obo Mbwa kaponi taakwe cintu pele zintu zibotu, kujatila milandu, kuponya baciswa, a zintu buyo zyakali zibotu. Cindi Na kali. . .kuyoya kwamamanino aa ciingano, a cisapi, a kuswida kwa kusabula, umwi wabo wakaimvwi muni, kalengelela kuzwa ku busyu Bwakwe busetekene Wa kalila, a moyo uuzwide luyandisyo, “Taata, koba jatila, nkambo tabazi eco ncoba cita.”

²³ Wa kakonzya kumvwisya. Mukuba Leza, Ula mvwisya. ako nke kaambao Nca katuyandila cindi nitwa taja jisi buyande, nkaambo nakmbo Ngu Leza alimwi Ula teelela. “Mukupona, Wa kandi yanda.” Taakwe buumi bwa kaponi mbuli mbubo, nkaambo bwaka vungaidwe mu luyandisyo.

²⁴ “Mukufwa, Wa kandi futula.” Ii lufu, cindi mu muunda wa Edeni, Leza Jehova wakayanda, cisubulo ca zibi ndufu, alimwi tee kwakaonzya kuba nzila imbi. Tee kwaka konzya kubweza nzilla imbi pe, ya kubambila. Nkaambo, Leza ngo mupati, alimwi Walo mupatikampatila, alimwi Mubetesi wa Majulu a nyika zyoonse. I cisubulo ca cibi ndufu, nkabela kwakanyina umwi wakali kukonzya kubbadelela cisubulo eci nkambo ka uumbi. Nkambo muntu oonse, nekubakuti wa kafwida muntu umbi, pele wa kajisi mulandu kuzwa kumatalikilo. Kwakanyina umwi wesu wakali kukonzya kugwasya umbi, nkaambo toonse twa kajisi mulandu. “Twa kazyalwa mu cibi, kabambwa mu milandu, kaboola ku inyika kuzo beja.” Elyo kwakanyina mitunga ya bulangizi, ali oonse. Twa kapegwa mulandu wa lufu, kwiinda kuli Leza, a zilenge zyoonse ezyo zyaka sola kweenda aa nyika zyakali kungsi lya kuzulwa oku. Inga kwaba bantu baluleme bayo buka a kucita zintu zipati, pele wa kali sizibi kuzwa kumatalikilo.

²⁵ Kwakali nzila yomwe biyo ya ncico kuti cibbadelwe, nkabela olo lwakali lufu lwa Leza Mwini. Aboobo Leza, mukuba Muuya, takali kukonzya kufwa, pele Wa kaseluka mu mubili wabantu a

kulitondezya Mwini mu buumi bwa luyandisyo; kubweza bubotu obo boonse Mbwa kabede, a kucipa kulibambila mbuli Cituuzyo cipati maningi, kuti Ako nzye kugwisya mulandu kuzwa kuli basimilandu. Toonse swebo mukuba basizibi, a kutali nzila mu inyika kuli ndiswe kusola kufutulwa. Ta kaboola biyo kubonwa aa nyika, pele Wa kaboola kufwa mbuli Cituuzyo.

²⁶ Abela waka citondezya cindi na katuula kuli Leza cituuzyo cibotu kwiinda ca Kaini; cindi na kaleta kabelele kaniini, a kabeela ka musaansa wa magirepu kavungaidwe ku nsingo yayo, ku mwaala. Mpaawo kwakalede mulombwana muniini aa mwaala, kakwela cilezu cakwe ciniini kusule alimwi, kajisi ii—ii mwaala, waka pinda kameneno kakwe kaniini; alimwi kakalila akufwa, nkabela bulowa kabusapaika, ankata yako zituba ziniini zyaka teta ku bulowa. Abela wakatondezya Kalivari kuya.

²⁷ Cindi Kabelele wa Leza, waka jaigwa kuzwa ku malengelo aa inyika, kaboola kubweza busena bwa basizibi bala milandu, alimwi waka pwaigwa a kucuzaulwa, a—a kusabula a kufubaazigwa, a kufwa lufu cakuti taakwe cilenge cikonzya kufwa cita Leza Mwini, a zikuti Zyakwe zya malowa kazilengelela kuzwa ku makuko Akwe, kusweka aansii, katondezya obo cintu cibyaabi cibi mbo cibede, cindi Na keelede kufwa kunununa muntu kuzwa ku buumi bwa cibi. Taakwe cintu cakali kukonzya kufwa mbuli boobo. Taakwe cintu cakali kukonzya kuzunda lufu olo. Lya kaamba kuti, “Cindi niba kayasa lubazu Lwakwe, kuti, kwa kayutuka Bulowa a maanzi.”

²⁸ Cali ciindi cimwi cainda, Ndali kukanana ku muntu umwi kujatikizya ceeci. Elyo wakali muna sayaansi wakati, “Kuli nzila yomwe biyo yakali kukonzya kucitika. Elyo tii kakali kaambo ka sumo lya Roma, kuti Wa kafwa; alimwi naanka kuti akali magolelo aa Bulowa, cakuti Wa kafwa, nkaambo kwa kacili Bulowa mu mubili Wakwe. Eco Nca kafwa, takali kaambo ka sumo lya Roma na mpikili zyaka kankaminwa mu maanza Akwe, na musyini wakusakka ngo bakabikka aa mutwe Wakwe. Pele nkaambo. . . Wa kafwa ku mafwabi, nkaambo Wa kaboola kuli Bakwe Beni nkabela Bakwe Beni tii baka Mu tambula. Wa kafwa ku moyo wakatyoka. Cindi, Wa kalizi zilenge nzyoonya zya ciindi, kuti Uyo fwa kunununa, waka swida ku busyu Bwakwe, nkabela Wa akakwa ku muntu.”

²⁹ Davida, myaka ili myaanda ya lusele kacitana citika, wakoompolola a jwi ndilyonya Ndya kalila aa Kalivari, “Leza Wangu, nkaambonzi Wa Ndi siya?”

³⁰ Ino ncintu cibyaabi cibi nco cicita, candaanya muntu kuzwa kuli Leza! Elyo Wa kali cipaizyo ca zibi eco cakeelede kutuulwa ku zibi zyesu. Elyo Wa kaandanisigwa kuzwa ku Busyu bwa Leza. Cibi caka Mu pambula. Leza wakabikka zibi zyesu ali Nguwe, alimwi Wa kandaanisigwa kuzwa kuli Leza, alimwi nke

kaambo Nca kalila, “Nkaambonzi Wa Ndi siya?” Elyo nkaambo Wa kasiigwa, nkabela waka bweza busena obu, a kubona bantu Bakwe, kuti Wa kaboola kuba Mufutuli wabo a ku bapa Buumi, baka Mu kaka, nkabela caka Mu bisizya, aboobo, mane Wa katyokede myoyo kusikila Bulowa a maanzi, a misamu ya mubili Wakwe, zyaka pambulwa.

³¹ Muntu takazi eco mbo cakabede. Ako nke kaambo kwakanyina muntu umbi wakali kukonzya kusola kufwa mbuli boobo. Ta ndikwe makani obo mbo konzya kupenzegwa, obo mbo konzya kubikka matende aako mu zyaanzyo, na ku kubona, ku mainci, na ku kuumpa ku mainci; inga tofwa ku lufu olo, nkaambo bubambe bwako tabuko mbuli boobo. Wa keelede kuba Leza. Wa keelede kuba, kwiinda muntu. Elyo kuyeeya, kuti, Leza wakafwa. Wa kafwa ku moyo wakatyolwa, a kufwaba kuli boobo kwa inyika, kusikila kuvwiila kwa kkemikko kwakacitika mu mubili Wakwe oyo watakali kukonzya kucitika muli nduwe. To konzyi kupenga boobo. Takukwe nzila kuli nduwe ya mafwabi. Aboobo kuli biyo Omwe ukonzya kucicita, nkabela Wa kacicita.

³² Mpaawo kulengelela, obo buumi buyandisi bwatakazi cintu pele luyandisyo a kucita bubotu, kwaanzikwa alya akati ka Majulu a nyika, kasumpulwa alya, kasamununa sicinswe, kuusansoni. Yeeya mbo konzya kuba, kusamununwa kuba aciswe; inga toziba nsoni zyakali kuli Leza, kalengelela alya. Ndi lizi kapingano kajisi cintu ciniini, mbuli mbo baka jisi cintucimwi muni Lyakwe, pele tiiba kacita ceeco. Oko nkubikka buyo aa ciingano, na sikudulowing’a waka cibikka awo. Ba kasamununa zisani Zyakwe kuzwa kuli Nguwe. Wa kasamide cikobela, nkabela baka cizapaula kuzwa kuli Nguwe a kuuma njuka nkambo ka ncico. Wa kausigwansoni, ku kulaale. Nekubaboobo, mukuba Leza, wakacita kwiima, nkabela basizibi bakaswida busyu Bwakwe. Nekuba, mukuba i—i kusakana kwa kulibamba kabatu, kacita kufwa kumbele lya buleya, kasamunwidwe cinswe. Nguzu zili boobo zyaka beleka ali Nguwe, kusikila zya kandaanya maanzi a Bulowa. Ta cigambyi. . . Ndi yeeya kuti sikuyabila waka citondezya kabotu cindi na kati:

Akati kupa myaala a kusiya kwa milengalenga,
Mufutuli wangu wakakotamika mutwe Wakwe
a kufwa;
Pele cisitilizyo cijukide cakuyubununa nzila
Kuya ku lutangalo lwa ku Julu a buzuba
butagoli.

³³ Masimpe, Wa keelede kucicita. I cisitilizyo caka lengelela akati ka muntu a Leza, nkabela eco cisitilizyo icaka julwa caka yubununa nzila iya lutangalo lwaku Julu a buzuba butagoli. Kalivari caamba cintucimwi, caamba kunji kwiinda mbo tukonzya kupandulula. Masimpe.

Mukupona, Wa kandi yanda; mukufwa, Wa
kandi futula;
Kuzikkwa, Wa katola zibi zyangu kulaale.

³⁴ Ca kapegwa mulandu lino. Cibi tacikwe bujatilila. Cindi Na kakwiila aa ciingano, “Ca mana,” cibi cakafwa! Lino cili fwide. Ca citwa. Ta cikwe nguzu. Ta cikwe buumi. Amu ciyeeye, no bantu. Eco cibi, sinkondo ku bantunsi, uli fwide a kubula buumi, ta cikwe nguzu. Ta cikonzyi. Ta cigambyi zuba lyakajala cilengaano calyo, nyenyeezi tii zyakamweka, nyika ya kasiya, zyoonse zyakali kunununwa.

³⁵ Lino ili fwide, ili zikkidwe, tai cikwe buumi. Ta cikwe buumi muli njiyo, nkokuti yeelede kuzikkwa. Ncinzi caka zikkwa? I mubili wa Leza waka zikkwa, nkambo cakali cipaizyo ca zibi. Wa kali Kabelele ka tenta, wa kaumpwa ku mililo ya milandu. Oyo Kabelele uatakwe cibi watakazi cibi, kuti Leza Oyo watakazi bulubizi; Buumi bwakwe bwaka pegwa, elyo mpawo kulengelela cipaizyo ca cibi. “Kuzikkwa, Wa katola zibi zyangu kulaale.” We elede kuzikkwa. I mubili, cipaizyo ca cibi ceelede kuzikkwa.

³⁶ Nke kaambo banji, kwainda kaindi, bayo enda, omwe a omwe, ku ciziba eci, ku bapatizigwa mu Zina Iya Jesu Kristo. Nkaambonzi? Cintucimwi cakacitika. Oyo Muuya wakazwa mu mubili oyo, cindi Na kakwiila, “Wa mana,” wa kapa mulandu cibi mu mibili yesu. Elyo twe elede muzikka, kuta ciibalukwa limbi. Ndili kkomene kapati kuti mbo cibede.

³⁷ Cindi cintu cili coonse cazikkwa, cili sisidwe, cizwa kukubona. “Elyo kuzikkwa, Wa katola zibi zyangu kulaale.” Leza takonzyi kubona zibi zyesu limbi, nkambo zya kazikkwa. Zya kazikkwa kuli? Mu Lwizi lwa Kuluba. Amuyeeye Lwizi lwa Kuluba! Leza takonzyi ku bayeeya limbi, nkaambo boonse bali fwide a kuzikkwa. Ta cikonzyi kwiibalukwa akwalo. Bali zwide mu kwiibaluka kwa Leza.

³⁸ Wa kali akwalo i . . . muli ceeci “kuzikka” Wa kaiminina mu Cizuminano Cakale. Ba kajisi bobile . . . Ba kajisi mulumbo wa cibi ku kusalazya kwa busena busalala. Elyo eco cipaizyo ca cibi cakali cakuti baka bweza mpongo zyoobilo, nkabela mpongo yomwe yaka jaigwa; elyo mpongo imbi, kajisi zibi zya kabikkwa aa mpongo iifwide zya kabikkwa aa mpongo iipona.

³⁹ Amuyeeye, Jesu wakali Mbelele. Wa kali Kabelele, pele mu kaambo aka Wa kaba mpongo. Wa kali bululami nkaambo Wa kali Leza, Mbelele. Pele Wa kaboola mpongo, cibi, kuti Ako nzye kuba cipaizyo ca zibi kuli ndime a nduwe; kuzwa ku Mbelele kuya ku mpongo.

⁴⁰ Elyo Jesu waka imininwa mu banyama boonse, mpongo zyoobilo: Nkambo umwi, wa kafwa—wa kafwida mulungo; wabili, zibi kuzwa ku mulungo zya kabikkwa a cimbotela, alimwi azazali waka bweza zibi zya bantu akuunka kulaale mu nkanda,

kayumwide zibi zya bantu. Ino cakali cinzi? Lwa kali lufu a kuzikkwa kwa Mwami wesu Jesu. “Kufwa...Mukupona, Wa kandi yanda. Mukufwa, Wa kandi futula. Mukuzikkwa, Wa katola zibi zyangu kulaale.” Wa kabweza zibi zya bantu aali Nguwe, a kuzitola kulaale kungsi lya ng’anda yaansi maningi. Wa kali cipaizyo ca cibi. Wa kajisi zibi zya bantu. Wa kabafwida. Elyo akwalo zibi zya kabikkwa ali Nguwe, alimwi Wa kagusya zibi zyesu kulaale, kuciimo cakuti Leza takali kukonzya kuzibona limbi. Amu ciyeeye! Oh, Mbungano inga yaongolola kuti, “Aleluya ku Mufutuli uli boobo!”

⁴¹ Kutali biyo kuti zibi zyesu zila jatilwa, pele zya kazikkwa mu Lwizi lwa Kuluba, kuta ciibalukwa limbi. “Kuzikkwa, Wa katola zibi zyesu kulaale.” Taba cikonzyi kwiibalukwa, nkambo zya nyonyooka. Bali aanze lya meso aa Leza. Bali lebukide. Ba kalekwa. Ba kalekwa. Leza ta cibayeeyi limbi. Inzi? I Mbungano yeelede kutangala cifumo cino, kuziba kuti zibi zyesu tazi cika yeeyegwi limbi. Zya kabikkwa mu Lwizi lwa Kuluba, kuya mu cuumbwe ca kwiindilila bubuke buli boonse. Bali fwide kwalyonse, a kuluba makani. Bali mbuli kuti taakwe noba kacitikide. “Mukufwa, Wa kandi futula.” Pele, “Kuzikkwa, Wa katola zibi zyangu kulaale.” Wa kaba tola kule loko kusikila baka njila mu Lwizi lwa Kuluba. Oh! Tu lizi kuti zintu ezyo zila syomwa ncobeni akati kesu, alimwi masimpe nzya Bwini. Bwalo Mbwini bwa Leza. Zintu ezyo zyoonse zipati zyakali kwiindilila bupanduluzi bwabuntu. Ta tukonzyi kupandulula kulumba kwesu ku zintu zili boobo.

⁴² Pele, oh, eelyo Pasika! “Kubuka, Wa kalulamika kwabuyo kwalyonse.”

Mukupona, Wa kandi yanda; mukufwa, Wa kandi futula;
Kuzikkwa, Wa katola zibi zyangu kulaale;
(Oko kwakali kabotu.)
Pele, mukubuka, Wa kalulamika.

⁴³ N cinzi eco cakali kubuka? Cakali cizibyo ca Leza, kuti nkongole ya kabbadelwa. “Kubuka, Wa kalulamika kwabuyo kwalyonse.” Oh, ino Mufutuli, kabuka! Ncinzi Leza nca kacita? Ii muntu inga wapenga, muntu inga wafwa, muntu inga wazikkwa. Pele Pasika wakali mupati maningi wabo boonse, nkambo akali magolelo aa Leza, “Milao yangu yaswaangana, zyelelo Zyangu zya zulila, oyo Nguwe!” Wa ka Mu busya kuzwa ku bafu! “Kubuka, Wa kalulamika cabuyo kwalyonse.” Lilelekwe Zina Lyakwe Lisalala!

⁴⁴ Ta cigambyi cileta kulimvwa! Ta cigambyi moyo wa muntusi taukonzyi kuuzunda! Oh, a lusyomo lwesu luzunda tula konzya kwiima kulaale a kwaamba, “Tuli lulamikidwe kwalyonse, cabuyo,” nkaambo Wa kafwa nkabela wa kazikkwa, nkabela Leza waka Mu busya alubo aa cifumo ca Pasika.

Mpawo, Leza waka tondezuya kuti Lya kazuminwa, zintu zyoonse ezyo Nzya kacita. Zintuzyonse zyabadelwa cabuyo, inga mwa anguluka lino! “Kubuka, Wa kalulamika kwabuyo kwalyonse.” Oh, taakwe muntu ukonzya kuziba, takonzyi kuyeeya buzuba obo bupati cindi Na kabuka! Elyo Baangelo baka bubona. Mu Majulu aa majulu, Baangelo bakaimba kulumbaizya kwa Leza, a kusekelela; kuciindi basalali ba Cizuminano Cakale, mu Paradaiso, bakoongolola, “Aleluya!” “Kubuka, Wa kalulamika.” I Majulu aka zungaana, nyika yaka zungaana, paradaiso yaka zungaana, nkabela Julu lya kazungaana, cindi eelyo Jwi pati nilya kayutuka. Kutala kuzwa ku cuumbwe Wa kabuka! “Kubuka, Wa kalulamika kwabuyo kwalyonse.” Oh, ma!

⁴⁵ Mpawo basalali abo bafwa muli Nguwe inga baimba eci, cindi twa langa ku luzyalo olo lugambya, kutala, eco Nca kacita. Mwabona? Leza wa kanamatika kuzumizya! “Ii kaindi kaniini nkabela inyika taika Ndi boni limbi, nekubaboobo muyo Ndi bona, nkambo Njo buka kuzwa ku bafu a kuba a ndinywe, nomuba muli ndinywe, kusika ku mamanino aa inyika; mbuli kusimpikizya, a kutondezuya kuti eco Leza nca kaamba mbwini, a ceeco Nce wamba mbwini,” Jesu wakaamba. “Njo boola mu ciimo ca Muuya Uusalala. Njo bamba makkalilo Angu a nduwe, a kupona andinywe kwalyonse.” Mpawo basalali abo bajisi bulangizi obo bwa bubuke mu moyo wabo, bakonzya kwiimba lwiimbo olu:

Ku cifumo eco citakwe makumbi a cibotu cindi
bafwide muli Kristo nobaya kubuka,
A bulemu bwa bubuke Bwakwe bwaabanwa;
Cindi basale Bakwe baku bungana ku
Muunzi wabo kwiindilila mulengalenga, (a
kaanzambwene kalondokede, a Caando ca
Leza, a risiiti iilembedwe kuzwa kuli Leza
Mwini,)
Cindi kuzulwa nokuyo itwa kutala, Ndiyo
bako. (Oh, boola calino!)

Oh, ta cigambyi ba kati:

Mukupona, Wa kandi yanda; mukufwa, Wa
kandi futula;
Kuzikkwa, Wa katola zibi zyangu kulaale;
(Oh!)
Mukubuka, Wa kalulamika cabuyo kwalyonse.

⁴⁶ Zibi zila jatilwa. Zituuzyo ezi zyoonse zyakali kukonzya kuba zya kuyeeyela buyo, zituuzyo ezi zyoonse zyakali kukonzya kukakilwa. Pele aa cifumo ca Pasika, cindi Na kabuka, Leza waka tondezuya kuti Wa ka Ci tambula. Ta cigambyi, cileta moyo wa muntusi kuli aleluya! Ta cigambyi cibamba bantu kwiimikila mu busyu bwa lufu! Kubamba bantu kwiita zintu ezyo zya takaliko, mbuli kuti zyakaliko! Pele nkaambonzi?

“Kubuka, Wa kalulamika.” Mbobuti mbo ziba kuti Wa kabuka? Nkaambo, Wa kabuka mu myoyo yesu, kalulamika kwabuyo kwalyonse!

⁴⁷ Kwiinde mazuba ali makumi one, cindi Na kaimvwi, kaambaula ku bana Bakwe, nguzu zikwela zyaka talika kusweekelwa kujatilila kwazyo. I milimo yaka manizigwa. I cisubulo caka bbadelwa. Wa kajisi marisiiti mu janza Lyakwe. Yakali marisiiti aa Leza. Wa kajisi bana, Mbungano, basyomi. Cibi coonse cakazundwa. I kazila kakabambwa kuba kabotu. Ta kacili kukonzya kukkala aa nyika. Ncinzi citubamba awa? Nguzu zikwela. Nguzu zikwelela aansii zyatalika kumwaika, zya sweekelwa matomeno ayo. Nkaambonzi? Ca kamana koonse mpawo. Ncinzi cakacitika? Wa katalika kubuka kuzwa aa nyika.

⁴⁸ “Kamuya mu inyika yoonse, akuyo kambauka Makanimabotu ku bantu boonse,” kuyutuka kwaamba kwa milomo Yakwe. “Kamuya mu inyika yoonse, akuyo kambauka Makanimabotu ku bantu boonse. Oyo uzumina elyo aku bapatizigwa uyo futuka, oyu utasyomi uyozulwa. Elyo zitondezyo ezi ziyo batobela abo basyoma. Mu Zina Lyangu bayo tanda myuuya mibi. Bayo amba a myaambo mipya. Ikuti na bakabweze inzoka na kunywa zintu zikola, ta cika bakoli. Ikuti na babikka maanza abo aa balwazi, bayo pona. Nkaambo Nda pona. . . Nguzu zikwelela aansii zya mwaika kuzwa kuli Ndime. Cibi tii caka jisi. Nda kafwida ndinywe. Leza waka citondezya, a kupa marisiiti aa bubuke. Elyo nkaambo Nda pona, mula pona anywebo! Buzubabumwi Njo bweeda.”

⁴⁹ “Buzubabumwi Uyo boola, oh, buzuba bwa bulemu!” Mpawo, ncinzi? Kupona, kufwa, kuzikkwa, kubuka, kuboola, bulangizi bwa Mbungano sunu!

Mukupona, Wa kandi yanda; mukufwa, Wa
kandi futula;
Kuzikkwa, Wa katola zibi zyangu kulaale;
Kubuka, Wa kalulamika kwabuyo kwalyonse;
Buzubabumwi Ula boola—Oh, buzuba bwa
bulemu!

Ino cakali cinzi? Zintu zyosanwe mu tubala tosanwe, J-e-u-u-u.

Mukupona, Wa kandi yanda; mukufwa, Wa
kandi futula;
Kuzikkwa, Wa katola zibi zyangu kulaale.
Kubuka, Wa kalulamika kwabuyo kwalyonse;
Buzubabumwi Ula boola—Oh, buzuba bwa
bulemu!

⁵⁰ Tu langila Kuboola Kwakwe Kwabili!

Alimwi bumwi bwa mafumo aya abalama
 atakwe makumbi cindi bafwide muli Kristo
 nobaya kubuka,
 Elyo bulemu bwa bubuke obo bwakaabanwa;
 Cindi basale Bakwe baku bungana ku miinzi
 yabo kwiindilila mulengalenga,
 Cindi kuzulwa nokuyo itwa kutala, Ndiyo
 bako.

Nkaambonzi? Ndi jisi risiiti. Wa kabuka! Mbobuti mbo ziba?
 Ula pona mu moyo wangu. Ula pona mu moyo wa mbungano
 Yakwe iisoyoma.

⁵¹ Amu ciyeeye, beenzuma. I ciziba ciyo libambila buyo mu
 ziindi zisyoonto, a maanzi akasaala, ku mulimo wa lubbizyo,
 mbo tubweeda buyo.

Atu kotamike mitwe yesu lino asyoonto buyo.

⁵² Nda libuzya sunu, ikuti na kuli umwi akati kesu, na banji oyo
 utana kulumba Cituuzyo eci kunji ku Ci tambula, alimwi uyanda
 kwiibalukwa mu mupailo, kuti Leza uyo kanana cabweenzu ku
 moyo wako, kuti uyo tambula Cituuzyo Cakwe, kusalazya kwa
 buntu bwako.

⁵³ Elyo amuyeeye kuti sunu tu sekelela buyo kutali ciindi
 cakusama ngowani zipya a kusama zisani zipya; eco cili kabotu,
 nciiminizyo ca cintucimwi cipya. Leza wakacita cintucimwi
 cipya. Calo, cili kabotu. Takuli boobo biyo. Pasika ta lyaambi
 boobo. Na, kuvwima tusulwe twa Pasika na majiini abasulwe,
 a nkuku ziniini zituba, azimwi zimbi, oyo tauli muzeezo,
 mukwesu.

⁵⁴ Pasika nkuzunda, nkuzunda oko Leza nkwa kapa atala lya
 nyika, kuti Wa kabusya Mwana Wakwe Mwini kuzwa ku bafu.
 “Kuti kufumbwa uusyoma muli Nguwe, taka lobi, pele uyooba a
 Buumi Butamani.”

⁵⁵ I bubuke inga bwaba mu bwini buumi bwako. Ikuti na to
 ujisi, sa inga watambika janza lyako kuli Nguwe cifumo cino,
 kuciindi nomu kotamikide mitwe yanu, kwaamba kwiinda kuli
 ceeci, “Leza, kondi yeeya, kuti obo Buumi bwa bubuke, akube
 kuti Bu konzye kuba mu moyo wangu.” Sa inga watambika janza
 lyako a kwaamba, “Kondi kombela, Mukwesu Branham, mbuli
 Mbwe tambika janza lyangu”? I Mwami amu longezeye. I Mwami
 amu longezeye. Sa kuli umwi umbi uyo tambika janza lyako,
 kwaamba, “Kondi kombela, mukwesu, Ndi yanda kuzumina
 Buumi obu bwa bubuke”?

Aa cifumo eco citakwe makumbi a cibotu. . .

Amu ciyeeye lino kuciindi notu. . . ? . . .

. . . Kristo uyo buka,
 A bulemu bwa bubuke Bwakwe bwaabanwa;
 Cindi bantu basale bayo bungana ku Nkomwe
 imbi,
 Cindi kuzulwa nokuyo itwa kutala, Ndiyo
 bako.

Cindi kuzulwa nokuyo itwa kutala,
 Cindi kuzulwa nokuyo itwa kutala,
 Lino ikuti na toli masimpe, ko cilulamika, lino.

. . . kwiitwa kutala,
 Cindi kuzulwa nokuyo itwa kutala, Ndiyo
 bako.

Atu belekele Simalela kuzwa . . . (Eci cili kuli
 ndinywe no basalali.) . . . zuba,
 Atu kanane . . .

⁵⁶ Lino, nywebo no Banakristo, nomuyanda kubamba cikonke kuli Leza, ku kubeleka kunji; kuselemuka, tambika janza lyako kuli Nguwe.

Elyo kuzulwa nokuyo itwa kutala, Ndiyo bako.
 (Mwami amu longezeye.)

Cindi kuzulwa . . . (Cindi kuzulwa nokuyo itwa
 kutala, Ndiyo bako),
 Cindi kuzulwa nokuyo itwa kutala,
 Cindi kuzulwa nokuyo itwa kutala,
 Cindi kuzulwa nokuyo itwa kutala, Ndiyo
 bako.

⁵⁷ Oyandwa Leza, Wa kabona myoyo yoonse omuno, alimwi Uli zyi twaambo a makanze. Elyo Nda kombela luse. Leza, ko cipa, kuti luse luyo tondezegwa ku bantu aba. Ba boola cifumo cino ku oora eli lya kukomba. Ba boola ku—ku busena obu kumvwa Ijwi Lyako.

⁵⁸ Elyo mbuli mbo twa kaamba, kuti, cindi Noka pona, kwakanyina buumi mbuli Bwako. Kufwa, Wa kali Umwi alikke Oyo wakali kukonzya kufwa mu cianza eco. Cindi Wa kazikkwa, Wa katola zibi zyesu kulaale; kajisi zibi zya bantu ali Nduwe, Wa kazitola ku Lwizi lwa Kuluba. Pele, mukubuka, Wa kalulamika kwabuyo kwalyonse. Elyo twa imikila, sunu, kulindila Kuboola Kwako.

⁵⁹ Leza, ba longezeye. Kotu gwasya. Tula mvwisya kuti tatu jisi ciindi cinji, nkambo cili buyo ku mulyango. Elyo kufumbwa . . . Elyo oora lyomwe kuzwa lino, kweendelana kuli basayansi, masi taacikonzyi kuba limbi. Alimwi twa lomba, Leza, mbuli mbo twiimikila, eci cifumo ca Pasika aakati ka Kuboola Kwakwe, bulangiz bwa Mbungano. Zyuulu zinji zili bikkidwe kulaale mu suko lya nyika, kulindila oora eelyo, myuuya yabo kungsi lya cipaililo, kabalila, “Ciindi cilamfu buti, Mwami? Ciindi

cilamfu buti?” Nda komba, Leza, kuti Uyo kanana kuli ndiswe. Elyo atu yeeye kuti takukwe makani eco nco tusola kucita ano aa nyika, nciniini loko. Elyo cintu buyo nco tukonzya kucita lino, nku lindila Kuboola Kwako, a kwaambila bantubonse. I Mulumbe ngwa kupitila. Akube kuti tu cibweze ku bantu, cakufwambaana, kuti Uka boole kufumbwa ciindi. Kumbele lya mabbomba aya nge baambaula, a tudandamiti otu, abo bakonzya kuba basikutondezya bali zyuulu babo kaba bikka atala lya nyika mu ciindi ca miniti lyomwe; kacitana citika eco, Wa kasyomezya kuboola, Mwami, kobamba bantu Bako. Ciyoooba mu nzila eyo, Mwami. Aboobo, kanji kufumbwa miniti, inga kwaba bubuke, Pasika ya Mbungano; bubuke kuzwa ku buumi obu bwazibi, kuya ku Buumi Butamani, kwiinda muli Kristo. Amumvwe mipailo yesu.

⁶⁰ Elyo sunu, mbuli mbo tu zumanana mu kuswaangana kumbi, mu kwiiya kwa cikolo ca Munsondo, O Mwami, kanana alubo, alimwi akube kuti myoyo minji icenjezigwe. Elyo akube kuti baboole kwiinda ku masena manji, mu ciziba eci cifumo cino, cifumo eci ca Pasika, kuzikkwa antomwe a Mwami Jesu, kuzumina Cituuzyo Cakwe. Takukwe makani eyo mbungano nko bazulilwa, na kakamu kabukombi ako nko bajisi luswaanano, ako takaamba cintu. Pele sena baka zumina Cituuzyo eco? Sena bali muku lyaambilila kuti taba gwasyi, kuti Jesu wakali Umwi alikke mubotu? Elyo Wa katufwida, mu busena bwesu. Elyo Wa kabweza zibi zyesu a kuzizikka, nkabela tula ima alikke muli Nguwe. Mabungano esu takonzyi kuzikka zibi zyesu, buumi bwesu bwini tabu konzyi kuzikka zibi zyesu, pele Kristo waka zikka zibi zyesu mu Lwizi lwa Kuluba. Leza, kopa lino kuti zintu ezi ziyoooba cabulemu mu meso Aako.

⁶¹ Mpawo sunumasiku, Mwami, akube kuti Uboole mu nguzu zya bubuke Bwako, a kuzungaanya busena obu buniini mbuli mbo butana zunganisigwa. Akube kuti zitondezyo a zigambyo zilibonya. Amu ciloolole, mbuli mbo kwakabede Munsondo zisyoono zyainda, Mwami, cindi balwazi a bapengede baka ponsegwa kapati. Twa komba kuti kuyoooba alubo sunumasiku, ku bulemu Bwako, Mwami.

⁶² Kotu jatila nsotoko zyesu lino, Mwami, alimwi akube kuti oku, kube Pasika ini ya ndiswe tobamwi, Pasika wini wa toonse swebo. Elyo bamwi abo batana kuziba ezyo zilongezyo zya Pasika mbo zyakabede, akube kuti cibe sunu kuti Kristo wabuka mu moyo wabo, a bulangizi bupya, a Buumi bupya. Amu batondekele ku Kalivari. Nkambo twa cilomba, mu Zina lya Jesu. Amen.

⁶³ [Kabeela katakwecintu aa teepu—Mul.] . . . kuba a ciindi eci ca luswaanano. Mbangaye banu bayanda Mwami? Tambika buyo janza lyako. Oh, ma, eco ncibotuloko!

⁶⁴ Nda mvwa kuti ujisi muvwanda waku tuulwa, Mukwesu McDowell. Uyo jokela ku kuswaangana kwa cikolo ca Munsondo, sa inga wacita? Ncibotu, eco ciyooba kabotu. Nee cindi notuyo tuula bavwanda a bamwi bambi, ku ciindi eco, ikuti na tobikkili maanu, eco cili kabotu.

⁶⁵ Elyo aboobo lino, tuyo mwaisya bbunga kwa kaindi kaniini, kutegwa inga waunka ku masena ako a kuba kalimbabula kako, mpawo kujoka alimwi. Tuli kkomene kuti mwakali kokuno.

⁶⁶ Elyo lino, atwi imikile buyo. Elyo eyo nyimbo njionya njo twa kajisi ziindi zisyoonto zyainda, “Ali eyo imweka a itakwe makumbi. . .” Mbangaye bajisi bulangizi obo muli mbabo? Atu ku bone tambika janza lyako. Koimikila.

. . .obo bumweka abutakwe makumbi. . .

Amu yimbe eno.

. . .cindi bafwide muli Kristo bayo buka,
A bulemu bwa bubuke Bwakwe bwaabanwa;
Cindi bakafutulwa be nyika nobayo bungana
ku Lubazu lumbi,
Elyo kuzulwa nokuyo itwa kutala, Ndiyo bako.
Cindi kuzulwa nokuyo itwa kutala,
Cindi kuzulwa nokuyo itwa kutala,
Cindi kuzulwa nokuyo itwa kutala,
Cindi kuzulwa nokuyo itwa kutala, Ndiyo
bako.

⁶⁷ Lino, kuciindi no twiimba kampango katobela:

Atu belekele Simalela, kuzwa kubucedo
kusikila kukubbila kwa zuba,
Atu kanane, (kutali zintu zya inyika pele,)
atu kanane zigambyo Zyakwe zyoonse,
luyandisyo a kumamela.

Kuciindi notu cita ceeci, kusukana maanza a muntuumwi kusule lyako, kumbele lyako, ku lubazu lwako. Toonse atu cite eco eno. Kwaamba, “Wabuka kabotu, mweenzuma Munakristo, Ndili kkomene kuba mu mbungano a nduwe.” Ncibotu.

Atu belekele Simalela kuzwa i. . .
. . .ku luyando Lwakwe loonse lugambya a
kubambwa;
Mpawo cindi buumi boonse bwamana, a
mulimo wesu aa nyika wamana,
Elyo kuzulwa nokuyo itwa kutala, Ndiyo bako.
Cindi kuzulwa nokuyo itwa kutala,
Cindi kuzulwa. . .
. . .kutala,
Cindi kuzulwa nokuyo itwa kutala, Ndiyo
bako.

Nkaambonzi? Mbobuti mbo tuya kuba? Nkaambo:

Mukupona, Wa kandi yanda; mukufwa, Wa
kandi futula;
Mukuzikkwa, Wa katola zibi zyangu kulaale;
Kubuka, Wa kalulamika kwabuyo kwalyonse:
Buzubabumwi Uya kuboola, oh, Buzuba
bulemu.

Cindi kuzulwa nokuyo itwa kutala, Ndiyo
bako. (Tu jisi risiiti.)

. . . pumbulika . . . kutala,
Cindi kuzulwa nokuyo itwa kutala,
Cindi kuzulwa nokuyo itwa kutala,
Cindi kuzulwa nokuyo itwa kutala, Ndiyo
bako.

Atu kotamike mitwe yesu.

⁶⁸ Mwami, cifumo cimwi citakwe makumbi a cibotu, cindi twa bona fulicoongo mupati kauboola mu mulengalenga (Citondezyo ca Leza ca cipangano, cipangano citeeli: Wa kabamba cisyomezayo Cakwe.), mpawo tuyo langa, kuboola, nkabela mabwe aatubanda ayo wida kusule, a baabo boona mu bulongo bwa nyika bayo buka kwaabana bulemu bwa Pasika ntaanzi a Nguwe, Oyo waka cibamba kukonzeka, Mwami wesu. Ndaku Lumba kuli ceeco, Mwami. Ndili kkomene loko, Mwami, obo bulangizi bulede mu camba cangu. Nkambo Nda bona ziwezo zyangu kazidiimana, Mwami, alimwi—alimwi bukkalo bwakatalika kuya aatala; Ndili aatala lya cilundu, kulanga koonse eno. Mwami, Ndili kkomene loko kuti obo bulangizi burns muli ndime. Buzuba bumwi Uyo boola. Ndili kkomene kapati kuti kuli banji okuno sunu abo balimvwa kukozyanya.

⁶⁹ Nda komba, Mwami, kuti Uyo tupa buzuba bupati, sunu, kotujatila milandu yesu yoonse, mbuli mbo tu lyaamba bulubizi bwesu, a kulyaambilila kuti ta tweeleli. Pele lufu, kuzikkwa, bubuke bwa Kristo, kutondezegwa kuli ndiswe kwiinda ku Muuya Wakwe oyo wakabusya mu myoyo yesu, kutu bamba kuba basizyaabilo ba bubuke Bwakwe, alimwi tu jisi cizibyoo ca bubuke bwesu mu myoyo yesu lino. Nkaambo kuzwa ku cibi, twa kafwa, alimwi twa kanjila mu Buumi bupya, a kubuka kuzwa ku zintu zyakaindi zya inyika kuya ku Buumi bupya. Calo ncizibyoo, kubbadela kutaanzi, O Mwami, calo—calo ncizibyoo ca bubuke bwesu.

⁷⁰ Tuli kkomene kapati ku cimvwa a ku cibotelwa ali umwi aumwi. Ezi zintu, tu jisi mbuli lubono lupati lwa myoyo yesu, cintucimwi eco catakali kukonzya kuula, inyika tiya kali kukonzya kucumba, nkaambo Leza waka cipa kuli ndiswe cabuyo, mbuli cakwaanguluka mbuli Kristo mbwa kafwida ncico.

⁷¹ Lino, twa komba kuti Uyo oba a ndiswe cifumo cino. Kotu gwasya, lino, aku lyookezya ziindi zisyoonto, a kubweeda. Kotupa kuswaangana kupati kutobela. Nkambo twa cilomba, mu Zina Lyakwe, Nguni waka tuyiisya ku komba antoomwe:


Taata wesu oyo uuli ku julu, Alilemekwe zina lyako.

Bwami Bwako buze. Luyando lwako lucitwe aa nyika, mbuli mbo luli ku Julu.

Ko tupa sunu zilyo nzyo tubula.

Elyo kotu jatila nsotoko zyesu, mbuli mbo tulekelela abo batu bisizya.

Elyo ta tweenzyi mu kutepaulwa, pele tuvune ku bubi; nkambo Bwami mbu Bwako, a nguzu, a bulemu, kwalyonse. Ameni.

⁷² I Mwami amu longeze, lino, mane tuka mubone alubo, mu kutandila ii. . . aa naini theeti. Amu sukane maanza umwi aumwi; nkabela tuyu mubona aa naini theeti. 

KUBUKA, KUPWA, KUZIKKWA, KUBUKA, KUBOOLA TNG59-0329s

(Living, Dying, Buried, Rising, Coming)

MATOBELANWA AA MILUMBE YA PASIKA

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa kuseeni Munsondo Iya Pasika ku kupasukakwazuba, Miyoba 29, 1959, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakatagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2023 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org